

Rhaglen Camau Nesaf COVID-19

Canllawiau ar gyfer y Ffurflen Gais

Mehefin 2020

Cynnwys

Pwrrpas y canllawiau.....	3
Llenwi'r Ffurflen	3
Canllawiau fesul Cwestiwn.....	4
1. Sefydliad.....	4
1.2 Manylion y Sefydliad	4
1.3 Llywodraethu a Chyllid.....	6
1.4 Cadw Plant a Phobl Ifanc yn Ddiogel.....	7
1.5 Cadarnhau	12
2. Manylion Cyswllt.....	12
3. Manylion Cyswllt yr Ymgeisydd	13
4. Plant a Phobl Ifanc	14
5. Eich Gwaith	16
6. Y gwahaniaeth fyddwch yn ei wneud	21
7. Cyllideb a Chyllid	23

Pwrrpas y canllawiau

Bydd y ddogfen hon yn eich arwain drwy bob cwestiwn ar ein ffurflen gais ar gyfer Rhaglen Grantiau Camau Nesaf COVID-19.

Mae'r canllawiau hyn ar gyfer y Ffurflen Gais Camau Nesaf. Gwnewch yn siŵr mai dyma'r canllawiau cywir ar gyfer y gronfa rydych chi am wneud cais iddi.

Llenwi'r Ffurflen

Dyma rywfaint o awgrymiadau defnyddiol i'ch helpu i lenwi'r ffurflen hon.

- Darllenwch ein safonau sylfaenol ar gyfer dyfarnu grantiau a'n Meini Prawf Cymhwysedd COVID-19 i wneud yn siŵr bod eich cais yn gymwys.
- Bydd y ffurflen hon yn eich holi am y canlynol
 - Y plant a'r bobl ifanc rydych chi'n rhoi cymorth iddynt, a sut mae Covid-19 wedi effeithio ar eu bywyd.
 - Sut rydych chi'n bwriadu gweithio gyda nhw a rhoi cymorth iddynt yn sgil effaith Covid-19
 - Y gwahaniaeth neu'r canlyniadau fyddwch yn eu sicrhau yn eu bywyd
 - Sut mae eich sefydliad wedi addasu a sut bydd yn parhau i addasu i ymateb i effaith Covid-19
- Os nad yw eich sefydliad yn ddeiliad grant ar hyn o bryd neu nad yw wedi cofrestru gyda ni (h.y. drwy Raglen ein Prif Grantiau), byddwn yn gofyn rhagor o gwestiynau i chi am drefniadau llywodraethu, cyllid a mesurau diogelu eich sefydliad.
- Atebwch yr holl gwestiynau ar y ffurflen hon oni bai ein bod wedi nodi bod y cwestiwn yn un dewisol.
- Mae gan lawer o'r cwestiynau gyfyngiad nodau. Mae hyn yn golygu y bydd cyfyngiad ar ba mor hir yw eich atebion. Mae llythrennau, atalnodau, rhifau a bylchau i gyd yn cyfrif fel nodau. Pan fyddwch wedi teipio'r uchafswm nodau, ni fyddwch yn gallu teipio mwy. Atebwch yn glir ac yn gryno.
- Os ydych yn dymuno llenwi unrhyw ran o'r ffurflen rywbryd eto, cliciwch y botwm '**Cadw a Chwblhau Rhywbryd Eto**' ar y diwedd. Bydd hyn yn cadw eich cynnydd ar y pryd, gan ganiatáu i chi orffen llenwi'r ffurflen rywbryd eto.
- **Cadwch eich gwaith bob 15-20 munud** i wneud yn siŵr nad ydych chi'n colli unrhyw beth.

Os oes unrhyw ran o'r canllawiau hyn yn aneglur, neu fod angen mwy o gymorth arnoch chi, cysylltwch â ni. Mae modd gwneud hyn drwy ffonio 0345 609 0015 neu e-bostio pudseygrants@bbc.co.uk

Canllawiau fesul Cwestiwn

Mae gan y Ffurflen Gais wahanol adrannau yn dibynnu ar eich perthynas â BBC Plant mewn Angen.

O ran sefydliadau **nad** ydynt yn bodloni'r canlynol:

🐾 Yn ddeiliad grant ar hyn o bryd

🐾 Eisoed wedi cofrestru â BBC Plant mewn Angen (drwy Raglen newydd ein Prif Grantiau)

Rhaid iddynt ateb cwestiynau ychwanegol ar drefniadau llywodraethu, cyllid a mesurau diogelu ar ddechrau'r ffurflen.

Os byddwch yn cadarnhau eich bod:

🐾 Yn ddeiliad grant ar hyn o bryd, neu

🐾 Wedi cofrestru eich sefydliad â ni yn ddiweddar (drwy Raglen newydd ein Prif Grantiau),

Byddwn yn eich tywys at ffurflen heb y cwestiynau hyn.

1. Sefydliad

1.1 Ydych chi'n ddeiliad grant BBC Plant mewn Angen (Bach, Prif neu *Curiosity*) ar hyn o bryd, neu ydych chi eisoes wedi cofrestru â BBC Plant mewn Angen? (Ydw/Nac ydw)

🐾 Does dim rhaid i chi gofrestru â BBC Plant mewn Angen i wneud cais ar gyfer y gronfa hon.

🐾 Os ydych chi'n ticio 'Ydw', ewch i '1.5, Cadarnhau' yn y canllawiau hyn.

🐾 Os ydych chi'n ticio 'Nac ydw', byddwn yn gofyn y cwestiynau canlynol i chi am eich sefydliad a threfniadau llywodraethu, ac am gyllid a mesurau diogelwch.

1.2 Manylion y Sefydliad

1. Pa fath o sefydliad ydych chi?

Rydyn ni'n rhoi cyllid i sefydliadau nid-er-elw sy'n gweithio gyda phlant a phobl ifanc dan anfantais 18 oed ac iau sy'n byw yn y Deyrnas Unedig, Ynys Manaw neu Ynysoedd y Sianel.

Mae sawl math gwahanol o sefydliadau nid-er-elw yn y DU, a phob un â strwythur cyfreithiol gwahanol. Dewiswch pa fath o sefydliad sy'n berthnasol i chi.

Rydyn ni'n rhoi cyllid i'r canlynol:

🐾 Cwmnïau buddiannau cymunedol sy'n gyfyngedig trwy warant

🐾 Cwmnïau cyfyngedig trwy warant, gan gynnwys mentrau cymdeithasol

🐾 Cymdeithasau tai

🐾 Elusennau cofrestredig

🐾 Sefydliadau crefyddol

🐾 Ysgolion arbennig

Nid ydym yn cyllido'r canlynol:

🐾 **Ysgolion:** Ceisiadau gan ysgolion, academiâu, prifysgolion, unedau cyfeirio disgyblion, a sefydliadau addysgol statudol. Byddwn yn ystyried ceisiadau gan Ysgolion Arbennig. Mae'r

rhain yn ddarpariaethau i blant ag anableddau neu anawsterau dysgu nad oes modd darparu ar eu cyfer mewn lleoliad prif ffrwd

 **Cyrff Llywodraeth Leol:** Mae hyn yn cynnwys cynghorau ar bob lefel

 **Sefydliadau nad ydynt wedi cofrestru:** Rydyn ni'n disgwyl i bob sefydliad fod wedi cofrestru â chorff perthnasol

Rhaid i bob sefydliad a gyllidir gyrraedd ein [safonau sylfaenol ar gyfer dyfarnu grantiau](#).

2. Nodwch eich rhif cofrestru (Comisiwn Elusennau, Tŷ'r Cwmnïau, OSCR neu eich rhif Cyllid a Thollau EM os ydych yn elusen yng Ngogledd Iwerddon sydd heb gael ei galw i gofrestru eto)

Nodwch eich rhif cofrestru ar gyfer pa gorff priodol bynnag rydych wedi cofrestru ag ef.

Yng Nghymru a Lloegr, mae'n rhaid i sefydliadau gwirfoddol a chymunedol gydag incwm dros £5,000 yn y flwyddyn flaenorol fod wedi cofrestru gyda Chomisiwn Elusennau Cymru a Lloegr.

Yng Ngogledd Iwerddon, mae'n rhaid i sefydliad elusennol gofrestru gyda Chomisiwn Elusennau Gogledd Iwerddon pan fyddant yn cael eu galw gerbron y Comisiwn.

Os yw eich sefydliad yn gwmni sydd wedi cofrestru â Thŷ'r Cwmnïau, defnyddiwch eich rhif cofrestru Tŷ'r Cwmnïau.

3. Beth yw pwrpas/dibenion eich sefydliad? Dylai'r rhain fod yn ddibenion neu nodau cyfreithiol eich sefydliad, fel y nodir yn eich dogfen lywodraethu (e.e. cyfansoddiad neu femorandwm ac erthyglau cymdeithasu).

Copiwch hwn o'ch dogfen lywodraethu, gair am air.

4. Nodwch y cymal llawn yn eich dogfen lywodraethu sy'n datgan beth fydd yn digwydd i unrhyw arian dros ben os bydd eich sefydliad yn dirwyn i ben (e.e. cymal diddymu neu glo asedau).

 Rhaid i bob sefydliad gael cymal diddymu neu glo asedau. Copiwch hwn o'ch dogfen lywodraethu, gair am air.

 Mae cymal diddymu'n esbonio sut mae eich sefydliad yn bwriadu diddymu neu derfynu, os bydd y sefyllfa'n codi.

Rhaid i gwmni buddiannau cymunedol gael clo asedau. Rhaid i hwn enwi'r sefydliad dan sylw y caiff cyllid ei ddosbarthu iddo. Mae clo asedau'n nodi beth fydd yn digwydd i'ch asedau, gan gynnwys unrhyw elw neu arian arall dros ben, os bydd eich sefydliad yn rhoi'r gorau i weithredu. Mae angen eich clo asedau arnom i ddangos y byddwch yn defnyddio'r arian hwn er budd y gymuned.

5. Sawl aelod gweithredol sydd ar gorff llywodraethu eich sefydliad?

Eich corff llywodraethu sy'n goruchwyllo ac yn rheoli eich sefydliad (e.e. ymddiriedolwyr neu gyfarwyddwyr y cwmni).

Rydyn ni'n mynnu bod gan sefydliad dri aelod o leiaf ar ei fwrdd neu bwyllgor.

6. A yw unrhyw aelodau o fwrdd llywodraethu, staff gweithredol neu awdurdodwyr taliadau eich sefydliad yn perthyn neu'n byw gyda'i gilydd?

Mae'n bwysig i fyrdau llywodraethu allu gweithio'n deg a heb unrhyw wrthdaro rhwng buddiannau. Mae perthyn neu fyw gyda'i gilydd wrth wasanaethu ar fwrdd neu fod yn gyflogai yn cael ei ystyried yn achos o wrthdaro rhwng buddiannau. Mae gwrthdaro rhwng buddiannau yn digwydd pan fydd gan rywun mewn safle o ymddiriedaeth (fel cyflogai neu aelod o'r bwrdd) berthnasoedd personol a phroffesiynol sy'n cystadlu â'i gilydd ar yr un pryd.

Os oes pobl yn perthyn neu'n byw gyda'i gilydd, rhwch wybod i ni am unrhyw bolisiau neu weithdrefnau ar gyfer gwrthdaro rhwng buddiannau sydd gennych ar waith i atal hyn.

Dylai'r rhain sicrhau bod gweithdrefnau craffu a goruchwyllo addas yn cael eu defnyddio ar gyfer unrhyw benderfyniadau y gallai'r unigolion cysylltiedig hyn eu gwneud ar y cyd.

7. Rhowch wybod i ni beth yw'r nifer isaf o aelodau â phleidlais sy'n rhaid bod yn bresennol er mwyn bodloni eich rheolau ar wneud penderfyniadau teg.

Mae hyn yn cael ei alw'n 'cworwm' hefyd. Dylai sefydliadau wneud yn siŵr eu bod yn gwneud penderfyniadau mewn ffordd deg. I wneud hyn, mae ganddynt bolisi'n aml sy'n nodi sawl aelod o'r corff llywodraethu sy'n rhaid bod yn bresennol i bleidleisio ar benderfyniadau mawr.

Mae hyn yn atal nifer fach o aelodau rhag gwneud penderfyniadau heb ymgynghori â'r corff ehangach.

Gallwch ddangos hyn mewn amryw o ffyrdd, gan gynnwys:

- 🐱 Nifer o aelodau
- 🐱 Canran o aelodau
- 🐱 Ffracsiwn o'r bwrdd cyfan
- 🐱 Cyfuniad o'r uchod, e.e. 'O leiaf hanner y bwrdd, ac un aelod'

8. Sawl gwaith y flwyddyn mae corff llywodraethu'r prosiect hwn yn cyfarfod yn ffurfiol, gan gynnwys unrhyw Gyfarfodydd Cyffredinol Blyneddol?

Mae hyn yn golygu'r corff a fydd yn atebol am ein grant. Dylai hwn fod y corff a fydd yn goruchwyllo ac yn rheoli'r grant hwn a'r prosiect mae'n ei ariannu. Gallai hyn fod yn ymddiriedolwyr neu gyfarwyddwyr y cwmni, neu'n bwyllgor rheoli ar wahân. Mae cyfarfod ffurfiol yn gyfarfod gydag agenda a chofnodion ysgrifenedig. Rhowch rif yn y bocs hwn, h.y. '4' yn hytrach nag 'yn chwarterol'.

9. Nodwch ddyddiadau pedwar cyfarfod ffurfiol diwethaf eich corff llywodraethu (fel pwyllgor rheoli, Bwrdd yr Ymddiriedolwyr neu Gyfarwyddwyr)

Nodwch ar ba ddyddiadau cynhaliwyd eich pedwar cyfarfod ffurfiol diwethaf. Mae cyfarfod ffurfiol yn gyfarfod gydag agenda a chofnodion ysgrifenedig.

1.3 Llywodraethu a Chyllid

1. A yw unrhyw aelod o'ch corff llywodraethu'n cael unrhyw fath o daliad am ei ddyletswyddau?

Os felly, rhowch wybod i ni sut mae eich dogfen lywodraethu neu ddogfennaeth arall yn caniatáu hyn.

Fel rheol, nid yw sefydliadau elusennol yn gallu talu eu hymddiriedolwyr oni bai fod eu dogfen lywodraethu, y Comisiwn Elusennau neu'r Llysoedd yn caniatáu hynny'n benodol. Os ydych yn talu unrhyw ymddiriedolwyr, nodwch sut mae gennych ganiatâd i wneud hynny.

2. Esboniwch eich prosesau a'ch gweithdrefnau ar gyfer awdurdodi taliadau, yn ogystal ag unrhyw weithdrefnau lliniaru risg sydd gennych ar waith.

Amlinellwch bolisiâu a gweithdrefnau eich sefydliad i leihau unrhyw risgiau ariannol mewn cysylltiad â thalu trydydd partïon neu aelodau o staff. Gallai hyn gynnwys yr hyn rydych yn ei wneud i awdurdodi taliadau a'r gwaith o'u goruchwyllo.

Efallai fod gennych gyfyngiadau ar y canlynol:

-  Faint mae aelodau penodol o staff yn cael awdurdodi
-  Sawl person sydd ei angen arnoch i awdurdodi taliadau
-  Y broses sy'n cael ei defnyddio i gytuno ar benderfyniadau ariannol a thaliadau a'u cymeradwyo
-  Pa aelodau o staff sydd â mynediad at wybodaeth am daliadau (fel rhifau cyfrif)

1.4 Cadw Plant a Phobl Ifanc yn Ddiogel

1. A oes gan eich sefydliad bolisi Diogelu Plant a Phobl Ifanc yn ei enw ei hun?

Dylai polisi Diogelu Plant a Phobl Ifanc eich sefydliad fod yn enw eich sefydliad. Nid ydym yn derbyn polisiâu sydd yn enw sefydliad arall, er enghraifft sefydliad partner, sefydliad rhiant neu sefydliad cysylltiedig.

2. Sut cafodd y polisi hwn ei ddatblygu?

Rhowch wybod i ni beth oedd y camau a arweiniodd at greu'r polisi hwn. Gallai hyn gynnwys:

-  Cymorth gan sefydliad allanol neu awdurdod lleol
-  Y bobl a oedd yn rhan o'r broses
-  Defnyddio polisiâu blaenorol neu hyfforddiant.

3. Ar ba ddyddiad gwnaethoch chi adnewyddu eich polisi Diogelu Plant a Phobl Ifanc ddiwethaf?

Rhowch wybod i ni pa bryd gwnaethoch chi adnewyddu eich polisi Diogelu Plant a Phobl Ifanc ddiwethaf.

4. Ar ba ddyddiad ydych chi am adnewyddu eich polisi Diogelu Plant a Phobl Ifanc nesaf?

Rhowch wybod i ni pa bryd rydych chi'n bwriadu adnewyddu eich polisi Diogelu Plant a Phobl Ifanc nesaf.

5. A yw'r holl staff a/neu wirfoddolwyr sy'n cael cyswllt wyneb yn wyneb â phlant a phobl ifanc yn cael hyfforddiant diogelu?

Mae hyn yn ymwneud â hyfforddiant diogelu cyffredinol. Dylai roi sylw i feysydd fel arwyddion o gam-drin neu esgeuluso, neu gadw plant yn ddiogel ar-lein. Dim ond ar gyfer staff neu wirfoddolwyr sy'n cael cyswllt wyneb yn wyneb â phlant y mae angen y wybodaeth hon arnom.

6. Pa mor aml mae eu hyfforddiant diogelu'n cael ei adnewyddu?

Rhowch wybod i ni pa mor aml mae hyfforddiant diogelu cyffredinol eich staff a'ch gwirfoddolwyr yn cael ei adnewyddu.

7. A yw'r holl staff a/neu wirfoddolwyr sy'n cael cyswllt wyneb yn wyneb â phlant a phobl ifanc yn cael hyfforddiant ar safonau a gweithdrefnau diogelu eich sefydliad?

Mae hyn yn cyfeirio at hyfforddiant diogelu pwrpasol i'ch sefydliad a/neu eich prosiect. Byddai'n trin pynciau a allai fod:

-  Yn berthnasol i risgiau penodol neu elfennau o'r gwaith mae eich sefydliad yn ei wneud
-  Yn berthnasol i anghenion y bobl ifanc rydych yn gweithio gyda nhw
-  Eich polisïau a gweithdrefnau mewnol, e.e. beth i'w wneud os bydd person ifanc yn gwneud datgeliad, a gyda phwy dylid cysylltu.

Dim ond ar gyfer staff neu wirfoddolwyr sy'n cael cyswllt wyneb yn wyneb â phlant y mae angen y wybodaeth hon arnom.

8. Pa mor aml mae eu hyfforddiant ar safonau a gweithdrefnau diogelu eich sefydliad yn cael ei adnewyddu?

Rhowch wybod i ni pa mor aml mae hyfforddiant eich staff, gwirfoddolwyr a/neu ymddiriedolwyr ar safonau a gweithdrefnau diogelu eich sefydliad yn cael ei adnewyddu.

9. Pwy yw Arweinydd Diogelu Dynodedig y sefydliad?

Nodwch enw'r person sy'n gyfrifol am ddiogelu plant a phobl ifanc yn eich sefydliad. Yn aml, gelwir y person hwn yn 'Swyddog Diogelu Dynodedig' neu'n 'Arweinydd Diogelu Dynodedig'.

10. Beth yw teitl swydd eich Arweinydd Diogelu Dynodedig?

Nodwch deitl swydd Swyddog/Arweinydd Diogelu Dynodedig eich sefydliad. Dylai hwn fod yn rhywun sydd ar lefel uwch briodol yn eich sefydliad. Dylai hefyd fod yn ddigon agos i'r gwaith rydych chi'n ei wneud fel ei fod yn ymwybodol o'r hyn rydych chi'n ei gyflawni o ddydd o ddydd.

11. A yw wedi cael hyfforddiant penodol i'w rôl fel Arweinydd Diogelu Dynodedig?

Rhowch wybod i ni os yw eich Arweinydd Diogelu Dynodedig wedi cael hyfforddiant penodol ar gyfer ei rôl. Fel arfer, caiff hwn ei ddarparu gan rywun allanol fel yr awdurdod lleol neu elusen fawr fel yr [NSPCC](#) neu [NCVO](#).

12. Pa mor aml mae eich Arweinydd Diogelu Dynodedig yn cyflawni'r hyfforddiant hwn?

Rhowch wybod i ni pa mor aml mae eich Arweinydd Diogelu yn cyflawni hyfforddiant i wneud yn siŵr bod ganddo'r wybodaeth ddiweddaraf am ei rôl.

13. A yw'r holl staff cymwys, y pwyllgor rheoli a'r gwirfoddolwyr wedi cael archwiliad gan y Gwasanaeth Datgelu a Gwahardd, Disclosure Scotland neu Access NI? Os nad ydynt, rhowch esboniad.

Rydyn ni'n mynnu bod eich sefydliad yn gwneud yn siŵr bod pawb sy'n gweithio gyda phlant wedi cael archwiliad cefndir perthnasol. Gallai hyn fod drwy'r Gwasanaeth Datgelu a Gwahardd., Disclosure Scotland neu Access NI. Mae hyn yn cynnwys yr holl staff a gwirfoddolwyr sydd â mynediad uniongyrchol at blant. Gofynnwn i chi gadarnhau bod eich sefydliad yn gwneud yr archwiliadau hyn, ac os ddim, esbonio pam.

Dim ond staff cymwys sy'n gorfod cael yr archwiliadau hyn. Nid oes angen yr archwiliadau hyn ar staff a gwirfoddolwyr nad ydynt yn cael cyswllt wyneb yn wyneb â phlant a phobl ifanc.

I gael rhagor o wybodaeth am yr archwiliadau perthnasol yng Nghymru a Lloegr, ewch i [wefan gov.uk](http://wefan.gov.uk).

I gael rhagor o wybodaeth am yr archwiliadau perthnasol yn yr Alban, ewch i wefan myscot.gov.

I gael rhagor o wybodaeth am yr archwiliadau perthnasol yng Ngogledd Iwerddon, ewch i wefan nidirect.gov.uk.

14. Pa mor aml ydych chi'n ailadrodd archwiliad gan y Gwasanaeth Datgelu a Gwahardd, Disclosure Scotland neu Access NI?

Rhowch wybod i ni pa mor aml rydych yn ailadrodd yr archwiliadau perthnasol ar aelodau priodol o staff. Nodwch yma a ydych yn gwneud yr archwiliadau hyn unwaith, yn rheolaidd neu a ydynt yn adnewyddu'n awtomatig.

15. Pwy sy'n darparu eich Hyfforddiant Diogelu Plant a Phobl Ifanc? Beth sy'n eu gwneud yn gymwys i'w ddarparu?

Rydyn ni am wybod:

-  Pa unigolyn neu sefydliad sy'n darparu eich Hyfforddiant Diogelu Plant a Phobl Ifanc?
-  Beth sy'n eu gwneud yn gymwys i ddarparu'r hyfforddiant hwn? Gallai hyn gynnwys cymwysterau, profiad, aelodaeth o sefydliadau neu i bwy maen nhw'n gweithio.
-  Bod y bobl sy'n darparu'r hyfforddiant hwn yn ymwybodol o'r wybodaeth fwyaf perthnasol a'r arferion gorau.

16. A yw pob aelod o gorff llywodraethu eich sefydliad yn cael hyfforddiant Diogelu Plant a Phobl Ifanc?

Mae corff llywodraethu eich sefydliad yn gyfrifol am ddiogelwch a lles y plant a'r bobl ifanc mae eich sefydliad yn dod i gysylltiad â nhw. Mae aelodau'r corff llywodraethu'n gyfrifol hyd yn oed os nad ydynt yn cael cyswllt wyneb yn wyneb â'r plant a phobl ifanc eu hunain.

Mae'r cwestiwn hwn yn ymwneud â hyfforddiant diogelu cyffredinol. Bydd yn ymwneud â meysydd fel arwyddion o gam-drin neu esgeuluso, neu gadw plant yn ddiogel ar-lein.

17. A yw pob aelod o'r corff llywodraethu'n cael hyfforddiant ar safonau a gweithdrefnau diogelu eich sefydliad?

Mae corff llywodraethu eich sefydliad yn gyfrifol am ddiogelwch a lles y plant a'r bobl ifanc mae eich sefydliad yn dod i gysylltiad â nhw. Mae aelodau'r corff llywodraethu'n gyfrifol hyd yn oed os nad ydynt yn cael cyswllt wyneb yn wyneb â'r plant a phobl ifanc eu hunain.

Mae hyn yn cyfeirio at hyfforddiant diogelu pwrpasol i'ch sefydliad a/neu eich prosiect. Byddai'n trin pynciau a allai fod:

-  Yn berthnasol i risgiau penodol neu elfennau o'r gwaith mae eich sefydliad yn ei wneud
-  Yn berthnasol i anghenion y bobl ifanc rydych yn gweithio gyda nhw
-  Eich polisïau a gweithdrefnau mewnol, e.e. beth i'w wneud os bydd person ifanc yn gwneud datgeliad, a gyda phwy dylid cysylltu.

18. Pa mor fuan ar ôl ymuno mae cyflogai/gwirfoddolwr yn cael hyfforddiant Diogelu Plant a Phobl Ifanc?

Rhowch wybod i ni beth yw'r cyfnod mwyaf posibl fydd aelod o staff/gwirfoddolwr newydd yn ei dreulio yn eich sefydliad cyn cael ei hyfforddiant diogelu.

19. Oes gan eich sefydliad God Ymddygiad sy'n nodi disgwyliadau clir o ran sut dylai staff a gwirfoddolwyr ymddwyn tuag at blant?

Nodwch a oes gan eich sefydliad God Ymddygiad sy'n amlinellu sut dylai eich staff, eich gwirfoddolwyr a phlant ymddwyn wrth gymryd rhan yn eich prosiect.

20. A yw hyn yn cynnwys defnyddio cyfryngau cymdeithasol/digidol?

Rydyn ni'n disgwyl i bolisi diogelu eich sefydliad fodloni'r canlynol:

-  Dangos diwylliant cryf o gefnogi diogelwch ar-lein a chydnerthedd digidol plant a phobl ifanc.
-  Dangos sut mae staff a phlant yn ddiogel ac yn gyfrifol ar-lein.
-  Bod yn berthnasol i'r sefydliad, ei weithgareddau a bod yn briodol i oedran.

Dylech ddangos eich dulliau rheoli a'ch cefnogaeth ar gyfer yr amgylchedd digidol, gan gynnwys:

-  Sut rydych yn cefnogi ac yn grymuso pobl ifanc i reoli eu bywydau ar-lein. Dylai prosiectau ddangos sut maen nhw'n datblygu cydnerthedd digidol plant mewn ffordd briodol i oedran.
-  Dull gweithredu cyson i adlewyrchu'r byd go iawn a'r byd rhithiol mae plant, staff a gwirfoddolwyr yn eu profi

Dylai prosiectau sy'n defnyddio technoleg ryngweithiol i gyfathrebu â phobl ifanc ystyried elfennau fel:

-  Rheolaethau preifatrwydd

- 🐱 Diogelwch drwy gyfrinair
- 🐱 Cymedroli priodol.

21. Oes gennych broses wedi'i dogfennu'n glir ar gyfer beth i'w wneud os caiff y polisi hwn ei dorri?

Rhowch wybod i ni a oes proses glir sy'n cysylltu eich Cod Ymddygiad â pholisi Adnoddau Dynol os oes achos o aelod o staff neu wirfoddolwr yn peidio â dilyn ei bolisiâu.

1.5 Cadarnhau – Mae'r adran hon ar gyfer sefydliadau sy'n ddeiliaid grant ar hyn o bryd, neu sydd wedi cofrestru â BBC Plant mewn Angen.

1. A fydddech cystal â chadarnhau bod eich sefydliad naill ai:

-  Yn ddeiliad grant BBC Plant mewn Angen ar hyn o bryd (Bach, Prif neu *Curiosity*), neu
-  Wedi cofrestru â BBC Plant mewn Angen (drwy Raglen newydd ein Prif Grantiau)
-  Ticiwch y bocs i gadarnhau.

2. Ydych chi'n dal yn cyrraedd ein Safonau Sylfaenol ar gyfer Dyfarnu Grantiau ers eich cais diweddaraf am grant neu eich cofrestriad gyda ni?

Dewiswch ydym neu nac ydym. Os ydych chi'n meddwl nad ydych chi'n cyrraedd unrhyw rai o'r Safonau Sylfaenol o bosib, cysylltwch â ni i gael cyngor cyn cyflwyno'r cais hwn.

3. A yw polisïau ac ymarfer Llywodraethu, Diogelu a/neu Ariannol eich sefydliad yn dal yr un fath ag yr oeddent pan gafodd eich grant presennol ei ddyfarnu i chi, neu pan wnaethoch chi gofrestru gyda ni?

Dewiswch ydy neu nac ydy. Mae enghreifftiau o beth gallai hyn ei gynnwys isod.

4. Os nad ydynt, amlinellwch unrhyw newidiadau sydd wedi cael eu gwneud ers i ni ddyfarnu grant i chi neu ers i chi gofrestru gyda ni.

Gallai hyn gynnwys newidiadau i'r canlynol:

-  Strwythur eich sefydliad
-  Cyfansoddiad eich bwrdd
-  Y berthynas â chyrff rheoleiddio (e.e. comisiwn elusennau eich gwlad)
-  Eich polisïau cyllid neu ddiogelu.

5. Beth yw pwrpas/dibenion eich sefydliad?

Dylai'r rhain fod yn ddibenion neu nodau cyfreithiol eich sefydliad, fel y nodir yn eich dogfen llywodraethu (e.e. cyfansoddiad neu femorandwm ac erthyglau cymdeithasu).

2. Manylion Cyswllt

2.1) Manylion Cyswllt y Sefydliad

Defnyddiwch enw cyfreithiol eich sefydliad. Bydd eich enw cyfreithiol ar eich dogfennau llywodraethu a'ch cyfrif banc.

Defnyddiwch gyfeiriad cofrestredig eich sefydliad. Lle bo'n bosib, dylai hwn fod yn gyfeiriad gweithredol ac nid yn flwch swyddfa'r post (PO BOX) neu gyfnewidfa bost. Os yw hyn wedi newid ers i chi gofrestru gyda ni, rhowch wybod i ni drwy e-bostio pudseygrants@bbc.co.uk.

Cofiwch roi rhif ffôn lleol eich sefydliad, rhif ffôn symudol safonol, neu rif nad yw'n un daearyddol (h.y. rhifau ffôn sy'n dechrau â 0303). Ni fyddwn yn ffonio unrhyw rifau cyfradd premiwm neu ryngwladol (ac eithrio Ynys Manaw).

2.2) Rhaid i chi fod yn sefydliad cofrestredig (e.e. elusen, cwmni buddiannau cymunedol neu gwmni cyfyngedig drwy warant) i wneud cais, oni bai eich bod yn ddeiliad grant ar hyn o bryd. Nodwch eich rhif cofrestru (neu eich rhif Cyllid a Thollau EM os ydych yn elusen yng Ngogledd Iwerddon sydd heb gael ei galw i gofrestru eto)

Ystyr 'wedi cofrestru' yw gyda'r rheoleiddiwr priodol (e.e. y Comisiwn Elusennau, OSCR, Tŷ'r Cwmnïau ac ati). Ni ddylid cymysgu rhwng hyn a phroses gofrestru BBC Plant mewn Angen, sy'n cael ei defnyddio gennym ar gyfer Rhaglen ein Prif Grantiau.

Nodwch eich rhif cofrestru ar gyfer pa gorff priodol bynnag rydych wedi cofrestru ag ef.

Yng Nghymru a Lloegr, mae'n rhaid i sefydliadau gwirfoddol a chymunedol gydag incwm dros £5,000 yn y flwyddyn flaenorol fod wedi cofrestru gyda Chomisiwn Elusennau Cymru a Lloegr.

Yng Ngogledd Iwerddon, mae'n rhaid i sefydliad elusennol gofrestru gyda Chomisiwn Elusennau Gogledd Iwerddon pan fyddant yn cael eu galw gerbron y Comisiwn.

Os yw eich sefydliad yn gwmni sydd wedi cofrestru â Thŷ'r Cwmnïau, defnyddiwch eich rhif cofrestru Tŷ'r Cwmnïau.

3. Manylion Cyswllt yr Ymgeisydd

3.1) Prif Fanylion Cyswllt

Nodwch fanylion y person sy'n bwynt cyswllt yn eich sefydliad o ran y cais hwn. Bydd y person hwn yn brif bwynt cyswllt ar gyfer y grant hwn yn y dyfodol hefyd.

3.2) Manylion Cyswllt Eraill

Nodwch fanylion y sawl y gallwn gysylltu â nhw os na fydd eich prif bwynt cyswllt ar gael.

3.3) Manylion Cyswllt y Cadeirydd

Rhowch fanylion Cadeirydd eich sefydliad (neu'r unigolyn cyfatebol). Bydd gofyn i'r unigolyn hwn lofnodi Telerau ac Amodau ein grant os bydd eich cais yn llwyddiannus. Does dim modd i'r unigolyn hwn fod yn Drysorydd hefyd.

3.4) Manylion Cyswllt y Trysorydd

Rhowch fanylion Trysorydd eich sefydliad (neu'r unigolyn cyfatebol). Bydd gofyn i'r unigolyn hwn lofnodi Telerau ac Amodau ein grant os bydd eich cais yn llwyddiannus. Does dim modd i'r unigolyn hwn fod yn Gadeirydd hefyd.

3.5) Manylion Canolwr

Dalier sylw: Nid oes angen ateb y cwestiwn yma os oes mae eich sefydliad yn ddeiliad grant BBC Plant mewn Angen ar hyn o bryd

Mae canolwr yn unigolyn sydd yn gyfarwydd â'ch sefydliad a'r gwaith yr ydych yn ei wneud. Bydd yn cefnogi eich cais drwy ddweud wrthym am eu profiad gyda'ch sefydliad a'r gwaith yr ydych yn ei gyflawni. Yn aml mae canolwyr yn bobl broffesiynol yr ydych wedi gweithio gyda nhw.

Mae'n rhaid i'ch canolwr fod yn rhywun y tu allan i'ch sefydliad. Dylai fod yn rhywun sydd:

- 🐱 yn gyfarwydd â'ch sefydliad mewn rôl broffesiynol am o leiaf 6 mis
- 🐱 nad yw'n gweithio, gwirfoddoli nac yn un o fuddiolwyr eich sefydliad, ac mae hynny yn cynnwys: ymddiriedolwyr neu gyflogaion presennol, gwirfoddolwyr, defnyddwyr presennol y gwasanaeth neu yn y gorffennol, na'u teuluoedd.
- 🐱 â dealltwriaeth dda o'r prosiect yr ydych yn ymgeisio ar ei gyfer. Mae hynny oherwydd efallai y byddwn yn gofyn iddynt drafod eich cais ar e-bost neu dros y ffôn.

Os nad ydych wedi gweithio gyda phlant a phobl ifanc o'r blaen, dylai eich canolwr gyfeirio at y gwaith yr ydych wedi ei gyflawni yn ystod y 12-24 mis diwethaf, a bod mewn sefyllfa i roi sylwadau ar eich addasrwydd i gyflawni'r prosiect yr ydych yn gwneud cais am arian ar ei gyfer.

Byddwn yn derbyn geirdaon gan oruchwyliwr clinigol neu ymgynghorydd allanol eich sefydliad, cyn belled nad ydynt yn cael eu cyflogi'n uniongyrchol gan eich sefydliad.

Rhowch i ni y manylion cyswllt gorau ar gyfer yr unigolyn yma. Mae'n rhaid i chi sicrhau eich bod wedi cael caniatâd yr unigolyn yma cyn rhoi ei fanylion i ni. Dylai'r manylion cyswllt yr ydych yn eu rhoi i ni fod yn gyfeiriad e-bost a rhif ffôn gwaith proffesiynol y canolwr.

4. Plant a Phobl Ifanc

A yw eich sefydliad yn gweithio gyda phlant a phobl ifanc ledled y DU?

Ystyr 'ledled y DU' yw sefydliadau sy'n gweithio gyda phlant a phobl ifanc:

- 🐱 O bob rhan o'r Deyrnas Unedig
- 🐱 Mewn mwy nag un sir/awdurdod lleol
- 🐱 Mewn mwy nag un wlad (e.e. Cymru, Lloegr, yr Alban, Gogledd Iwerddon)

4.2) Os felly, a wnewch chi gadarnhau lle mae'r rhan fwyaf o blant a phobl ifanc yn byw:

Nodwch lle mae'r rhan fwyaf o bobl ifanc rydych chi'n gweithio gyda nhw'n byw. Os ydych yn gweithio ar draws mwy nag un wlad yn y DU (h.y. Cymru, Lloegr, yr Alban, Gogledd Iwerddon), dewiswch Ledled y DU.

4.3) Lle yn y DU fydd eich gwaith yn digwydd yn bennaf?

Nodwch ym mha ardal fydd eich gwaith yn digwydd yn bennaf. Er enghraifft, os yw eich gwaith yn digwydd yng Nghaerdydd, fe allwch chi nodi Cyngor Dinas a Sir Caerdydd. Gwnewch yn siŵr eich bod yn dewis un opsiwn o leiaf.

Os yw eich gwaith yn digwydd mewn mwy nag un ardal, dewiswch y brif ardal gyntaf. Gallwch chi ddewis rhagor o ardaloedd ar ôl hyn. Ystyr "prif ardal" yw'r ardal lle byddwch chi'n gwneud y rhan fwyaf o'r gwaith.

Os ydych chi'n ansicr ynglŷn â'ch ardal awdurdod lleol, gallwch wirio yma: <https://www.gov.uk/find-local-council>

4.4) Disgrifiwch:

- Yr anfoneision mae'r plant a phobl ifanc rydych chi'n gweithio gyda nhw yn eu hwynebu, a
- Sut mae'r anfoneision hyn yn effeithio ar eu bywyd.

Rhowch wybod i ni am yr anfoneision mae'r plant a phobl ifanc rydych chi'n gweithio gyda nhw yn eu hwynebu. Rydyn ni'n gwybod bod sawl ffurf ar anfantais. Maen nhw'n gallu cynnwys:

- 🐾 Salwch, trallod, cam-drin neu esgeulustod.
- 🐾 Unrhyw fath o anabled.
- 🐾 Anawsterau ymddygiad neu seicolegol.
- 🐾 Byw mewn tldi neu sefyllfaoedd o amddifadedd.

Yn eich ateb, rydyn ni am i chi nodi beth rydych chi'n ei wybod am y plant a phobl ifanc rydych chi'n gweithio gyda nhw.

- 🐾 Er bod ystadegau'n gallu bod yn ddefnyddiol, yn aml dydyn nhw ddim yn dangos pa mor dda rydych chi'n adnabod y plant rydych chi'n gweithio gyda nhw.
- 🐾 Rydyn ni hefyd eisiau gwybod sut mae'r anfoneision hyn yn effeithio ar blant a phobl ifanc.
- 🐾 Cofiwch ddisgrifio sut mae'r anfoneision maen nhw'n eu hwynebu yn effeithio ar eu bywyd.

4.5) Rhowch wybod i ni pa effaith ychwanegol mae Covid-19 wedi'i chael ar y plant a'r bobl ifanc sy'n cael cymorth gennych.

Rhowch wybod i ni:

- 🐾 Sut mae Covid-19 wedi newid neu waethygu'r anfoneision mae'r plant a phobl ifanc sy'n cael cymorth gennych yn eu hwynebu
- 🐾 Sut mae hyn wedi effeithio ar eu bywyd.
- 🐾 Am yr effaith uniongyrchol ar blant a phobl ifanc rydych chi wedi'i gweld
- 🐾 Sut rydych chi'n meddwl y bydd hyn yn newid dros y 18 mis nesaf.

4.6) Faint o blant a phobl ifanc fydd y cyllid hwn yn eu helpu yn ystod cyfnod y grant hwn?

Rydyn ni'n cefnogi gwaith lle mae'r rhan fwyaf o blant a phobl ifanc dan anfantais. Yn aml, bydd plant nad ydynt dan anfantais yn cymryd rhan hefyd. Nodwch faint o blant byddwch yn gweithio gyda nhw dros gyfnod y grant hwn. Dylai'r nifer fan hyn gynnwys yr holl blant a phobl ifanc rydych chi'n gweithio gyda nhw, nid dim ond y rhai dan anfantais.

4.7) O'r plant a phobl ifanc hyn, faint ohonyn nhw sydd dan anfantais?

- 🐾 Nodwch faint o blant a phobl ifanc a fydd yn cael cymorth gan y cyllid hwn sydd dan anfantais.
- 🐾 Mae'n bosib y bydd y nifer hwn yr un fath â'r cwestiwn blaenorol os yw'r holl blant a phobl ifanc rydych chi'n gweithio gyda nhw yn wynebu anfoneision.
- 🐾 Dylai hwn fod yn gyfanswm y plant a phobl ifanc a fydd yn wynebu anfoneision dros gyfnod y grant.

4.8) Disgrifiwch y rôl mae plant a phobl ifanc yn ei chwarae o ran cynllunio a darparu eich gwasanaethau, ac yn ehangach yn eich sefydliad.

Mae'n bwysig bod plant a phobl ifanc yn gallu dweud eu dweud, a bod rhywun yn gwrando arnynt. Dylent allu dylanwadu ar weithgareddau a gwasanaethau eich sefydliad, ac ar unrhyw broses gwneud penderfyniadau sy'n ymwneud â nhw.

- 🐼 Rhowch wybod i ni sut rydych chi wedi cynnwys plant a phobl ifanc wrth gynllunio eich gwaith.
- 🐼 Yn benodol, rydyn ni'n dymuno gwybod sut maen nhw wedi bod yn rhan o'r gwaith o gynllunio a darparu'r gwasanaethau y byddai'r grant hwn yn eu cefnogi.
- 🐼 Rydyn ni hefyd am wybod
 - 🐼 Sut rydych chi wedi addasu'r ffyrdd rydych chi'n galluogi plant a phobl ifanc i gymryd rhan yn eich sefydliad yn sgil COVID-19
 - 🐼 Pa gynlluniau sydd gennych chi ar gyfer gwneud hyn yn y dyfodol.

5. Eich Gwaith

5.1) Beth ydych chi'n bwriadu ei ddarparu ar gyfer plant a phobl ifanc o ganlyniad i'r grant hwn?

Byddwch mor benodol â phosib wrth ddisgrifio'r math o waith a chynnwys y gwaith rydych chi am ei gyflawni, ac a ydych chi'n gwneud cais am gostau sefydliadol neu gostau prosiect penodol.

Ar gyfer costau prosiect:

- 🐼 Disgrifiwch y prosiect
- 🐼 Ni fydd gennym ni unrhyw wybodaeth am eich prosiect ymlaen llaw, felly dylech chi gyfeirio at weithgareddau unigol, rolau staff, a gwasanaethau.

Ar gyfer costau sefydliadol, rhowch wybod i ni:

- 🐼 Am y gwasanaethau/gweithgareddau allweddol rydych chi'n eu darparu i blant a phobl ifanc (does dim angen i ni wybod am eich gwasanaethau neu weithrediadau eraill).
- 🐼 Sut bydd y costau hyn yn eich helpu i sicrhau sefydlogrwydd, i addasu, ac i
- 🐼 Newid i fodloni anghenion plant a phobl ifanc.
- 🐼 Helpu i ddarparu gwasanaethau allweddol i blant a phobl ifanc.

Peidiwch â defnyddio'r cwestiwn hwn i sôn am y canlynol:

- 🐼 Yr anfanteision mae'r bobl ifanc yn eu hwynebu
- 🐼 Y gymuned leol neu gyd-destun y prosiect
- 🐼 Eich sefydliad

Bydd cyfle i drafod hyn mewn rhannau eraill o'r ffurflen.

Os oes gennych chi grant gan BBC Plant mewn Angen ar hyn o bryd, esboniwch a fydd y cyllid yr ydych yn gofyn amdano yn cefnogi ychwanegiad neu estyniad i'r prosiect sy'n cael ei ariannu ar hyn o bryd, neu a yw ar gyfer prosiect hollol wahanol neu gostau sefydliadol.

5.2) Sut ydych chi wedi addasu eich gwasanaethau neu eich gweithgareddau yn sgil Covid-19?

Rydyn ni'n cydnabod bod sefydliadau wedi gorfod ymateb i Covid-19 mewn amrywiaeth o ffyrdd ac wedi gorfod addasu'r ddarpariaeth. Rhowch rywfaint o wybodaeth am sut rydych chi wedi ymateb, a allai gynnwys:

- 🐾 Gwneud gweithgareddau ar-lein
- 🐾 Cyflawni prosiectau newydd, fel pecynnau bwyd neu weithgareddau
- 🐾 Ffurio partneriaethau newydd
- 🐾 Dod o hyd i ffyrdd newydd o gynnwys plant a phobl ifanc mewn gwasanaethau

Rydyn ni eisiau deall:

- 🐾 Y camau mae eich sefydliad wedi'u cymryd i ymateb i heriau Covid-19.
- 🐾 Pa bobl yn eich sefydliad sydd wedi cefnogi'r newidiadau.
- 🐾 Gyda phwy ydych chi wedi ymgynghori (plant a phobl ifanc, sefydliadau eraill, partneriaid ac ati), a sut mae hyn wedi dylanwadu ar y newidiadau rydych chi wedi'u gwneud.

5.3) Sut byddwch yn adolygu eich gwasanaethau ac yn parhau i addasu dros y misoedd nesaf?

Mae'n bwysig bod sefydliadau'n hyblyg ac yn gallu addasu yn yr amgylchiadau presennol, er mwyn parhau i gefnogi plant a phobl ifanc yn y ffordd orau bosib.

- 🐾 Rydyn ni'n awyddus i gefnogi sefydliadau sydd wedi ymrwymo i adolygu, dysgu a gwneud newidiadau os oes angen.
- 🐾 Rhowch wybod i ni sut byddwch yn asesu llwyddiant eich gweithgareddau.
- 🐾 Dylech chi hefyd esbonio sut byddwch yn defnyddio unrhyw ddysgu i newid eich darpariaeth os oes angen.

5.4) Rhowch wybod i ni ble a phryd rydych chi'n disgwyl cyflawni'r gwaith sy'n cael ei gefnogi gan y grant hwn.

Rhowch wybod i ni:

- 🐾 Diwrnodau, amseroedd ac amllder y gweithgareddau neu'r gwasanaethau
- 🐾 A ydych chi'n darparu'r gwasanaethau neu'r gweithgareddau drwy gydol y flwyddyn neu am gyfnod penodol, er enghraifft yn ystod gwyliau'r ysgol neu yn ystod y tymor, mewn blociau o wythnosau ac ati
- 🐾 Y lleoliad lle rydych chi'n disgwyl cynnal y gweithgareddau neu'r gwasanaethau
- 🐾 A ydych chi'n bwriadu darparu unrhyw weithgareddau neu gymorth i blant a phobl ifanc yn ddigidol yn eu cartref eu hunain
- 🐾 Os ydych chi'n gwneud cais am gostau sefydliadol yn unig, mae angen i chi roi trosolwg o amseroedd a lleoliadau'r gwasanaethau rydych chi'n eu darparu i blant a phobl ifanc

Rydyn ni'n deall y gallai hyn newid ac os byddwn yn dyfarnu grant i chi, bydd modd i chi siarad â ni a diweddarau'r manylion hyn yn ôl yr angen.

5.5) Os byddwch yn llwyddiannus, pryd byddwch yn dymuno dechrau gwario'r grant hwn?

Rhowch ddyddiad. Rhaid i chi allu gwario 6 mis cyntaf eich cyllideb rhwng 13 Medi 2020 ac 13 Mawrth 2021.

5.6) A fydd unrhyw ran o'ch gwaith gyda phlant a phobl ifanc yn cael ei ddarparu ar-lein yn lle yn sgil Covid-19, neu a ydy hynny wedi digwydd yn barod (lle nad oedd yn cael ei ddarparu yn y modd hwn o'r blaen)?

Dewiswch do os ydych chi wedi dechrau darparu unrhyw wasanaethau ar-lein (a oedd yn cael eu darparu wyneb yn wyneb neu dros y ffôn o'r blaen) gan ddefnyddio cyfryngau cymdeithasol neu lwyfannau ar-lein, a hynny'n sgil Covid-19.

5.7) Os felly, mae angen i chi gadarnhau eich bod wedi cwblhau'r [Rhestr Wirio Gwasanaethau Digidol](#) a rhoi gwybod i ni pa fesurau diogelu ychwanegol sydd gennych chi ar waith, neu rydych chi'n bwriadu eu rhoi ar waith.

Rydyn ni'n disgwyl y bydd nifer o sefydliadau'n dechrau gweithio mewn ffyrdd newydd, ffyrdd nad ydynt wedi arfer â nhw o bosib. Gallai hyn gynnwys gweithio ar lwyfannau digidol newydd. Rydyn ni am wybod pa reolaethau byddwch yn eu rhoi ar waith i fynd i'r afael â'r risgiau hyn. Bydd ein [Rhestr Wirio Gwasanaethau Digidol](#) yn eich helpu i feddwl am sut mae mynd i'r afael ag unrhyw risgiau sy'n fwy dwys neu sydd wedi newid.

5.8) A fydd y grant hwn yn darparu neu'n cefnogi unrhyw rai o'r canlynol?

Dewiswch bob un sy'n berthnasol.

- **Gwaith Camfanteisio'n Rhywiol ar Blant**
- **Cwmsela neu waith therapiwtig**
- **Mentora neu gyfeillio**
- **Preswyl neu aros dros nos**

Ar gyfer y mathau hyn o waith, bydd angen i ni gynnal archwiliadau diogelu pellach ar eich cais. Dewiswch unrhyw opsiynau o'r rhestr sy'n berthnasol i'ch prosiect. Trowch at ein Canllawiau A-Z i gael gwybodaeth am ein meini prawf cymhwysedd ar gyfer y categorïau hyn.

 **Gwaith Camfanteisio'n Rhywiol ar Blant:** Mae camfanteisio'n rhywiol ar blant yn fath o gam-drin plant yn rhywiol. Mae'n digwydd pan fydd unigolyn neu grŵp yn cymell, camddefnyddio neu dwyllo person dan 18 oed i gymryd rhan mewn gweithgarwch rhywiol. Gallai hyn gynnwys:

-  Hudo
-  Masnachu
-  Trais
-  Cymell
-  Bygwth/Blacmelio
-  Camfanteisio'n rhywiol sy'n gysylltiedig â gang

 **Dydy camfanteisio'n rhywiol ar blant ddim yn cynnwys cyswllt corfforol bob amser. Trowch at ein canllawiau A-Z a gwefan yr NSPCC i gael mwy o wybodaeth.**

 **Cwmsela/Gwaith Therapiwtig:** Rydyn ni'n diffinio cwmsela fel unrhyw ymyrraeth therapiwtig sy'n cynnwys "darparu cymorth proffesiynol ac arweiniad wrth ddatrys problemau personol neu seicolegol." Gall yr ymyriadau gynnwys cwmsela, therapi grŵp, therapi chwarae, a therapi celf.

-  Trowch at ein canllawiau A-Z a Chymdeithas Cwmsela a Seicotherapi Prydain i gael mwy o wybodaeth.

 **Gweithgareddau Cyfeillio/Mentora:** Rydyn ni'n diffinio mentora neu gyfeillio fel trefniant ffurfiol a strwythuredig sy'n "berthynas wirfoddol, bwrpasol a buddiol i'r naill ochr a'r llall, lle mae unigolyn yn rhoi amser i gefnogi un arall i'w galluogi i wneud newidiadau yn eu bywyd".

 Weithiau gall rhan o brosiect gynnwys staff a gwirfoddolwyr sy'n rhoi cyngor ad hoc i blant a phobl ifanc. Nid ydyn ni'n diffinio hyn fel mentora na chyfeillio mewn synnwyr ffurfiol.

 Trowch at ein canllawiau A-Z a Gwasanaethau Mentora a Chyfeillio'r NCVO i gael mwy o wybodaeth.

 **Preswyl neu aros dros nos:** Mae hyn yn cynnwys unrhyw brosiectau sy'n cynnwys gwyliau neu aros dros nos i ffwrdd o gartref.

5.9) Pam mai eich sefydliad chi yw'r un gorau i ddarparu'r gwaith hwn? Cofiwch gynnwys gwybodaeth am y canlynol:

- eich strwythur rheoli
- profiad a sgiliau eich corff llywodraethu a'ch staff uwch
- a yw eich sefydliad yn cael ei arwain gan bobl â phrofiadau uniongyrchol o'r materion a wynebwr gan y cymunedau rydych chi'n eu helpu, er mwyn cefnogi eich gallu i ymateb yn hyblyg

Rydyn ni'n dymuno ariannu sefydliadau cryf ag aelodau o staff sy'n meddu ar y sgiliau a'r profiad i roi'r cymorth gorau posib i blant a phobl ifanc.

Rhowch wybod i ni am y canlynol:

-  Eich strwythur rheoli a sut mae'r rolau allweddol hyn yn cefnogi eich sefydliad.
-  Profiad a sgiliau eich corff llywodraethu a sut maen nhw'n cefnogi eich gwaith.
-  Eich gallu i ymateb yn hyblyg.

Rydyn ni hefyd eisiau gwybod a yw eich sefydliad yn cael ei arwain gan bobl â phrofiadau uniongyrchol o'r materion a wynebwr gan y cymunedau rydych chi'n eu helpu.

Rhowch wybod i ni:

-  Sut mae'r bobl â phrofiadau uniongyrchol wedi cyfrannu at eich gwaith
-  A oes gofyniad sylfaenol bod gan aelodau o staff neu ymddiriedolwyr brofiad fel aelod o'r gymuned rydych chi'n ei gwasanaethu.

5.10) Ym mha ffyrdd mae eich sefydliad yn gymwys i wasanaethu eich cymuned leol?

Rydyn ni'n awyddus i ariannu sefydliadau sydd wedi gwreiddio yn eu cymunedau lleol. Rydyn ni'n disgwyl i sefydliadau ddeall yr heriau mae'r gymuned yn eu hwynebu, a sut mae Covid-19 wedi effeithio arni. Rhowch wybod i ni:

-  Sut rydych chi'n ymgysylltu â'ch cymuned leol
-  Sut rydych chi'n deall y problemau mae'n eu hwynebu

Rydyn ni hefyd angen gwneud yn siŵr bod gan sefydliadau'r arbenigedd a'r cysylltiadau i gyrraedd y plant a phobl ifanc maen nhw am eu helpu. Rhowch wybod i ni:

- 🐱 Sut byddwch yn targedu'r plant a phobl ifanc y mae Covid-19 wedi cael effaith benodol arnynt
- 🐱 Sut rydych chi'n gwybod y byddwch yn gallu eu cyrraedd.

5.11) A yw eich corff llywodraethu wedi ymateb yn ffurfiol i Covid-19?

Os felly, nodwch unrhyw gamau gweithredu mae eich corff llywodraethu wedi'u cymryd

Rydyn ni eisiau ariannu sefydliadau sy'n gallu addasu ac ymateb i newid. Rhowch wybod i ni:

- 🐱 Sut rydych chi'n rheoli ymateb eich sefydliad i'r argyfwng hwn.
- 🐱 Sut mae eich Ymddiriedolwyr/Cyfarwyddwyr yn cymryd rhan yn y gwaith o reoli'r argyfwng.
- 🐱 Unrhyw newidiadau i'ch strategaethau neu bolisïau.

5.12) Rhowch wybod i ni am unrhyw rwydweithiau/grwpiau lleol rydych chi'n rhan ohonynt, ac a ydych chi wedi cydweithio ar eich ymateb i Covid-19

Rhowch wybod i ni am y canlynol:

- 🐱 Y rhwydweithiau mae eich sefydliad yn rhan ohonynt
- 🐱 Pa mor weithgar ydych chi o ran cymryd rhan ynddynt
- 🐱 Unrhyw gydweithio sydd wedi digwydd o ganlyniad o Covid-19.

5.13) Ydy'r cais hwn gan sefydliadau sydd mewn partneriaeth?

Ystyr partneriaeth fan hyn yw grŵp o ddau neu fwy o sefydliadau yn gweithio gyda'i gilydd. Dewiswch 'ydy' os ydych chi'n gweithio gyda sefydliad arall i gyflawni'r gwaith hwn.

Trowch at ein [Canllawiau A-Z](#) i gael mwy o wybodaeth am ein dull gweithredu mewn cysylltiad â phartneriaethau.

5.14) Os felly, nodwch enw'r sefydliad(au) rydych chi mewn partneriaeth â nhw.

Os ydych chi'n gweithio gyda sefydliad arall i gyflawni'r gwaith hwn, nodwch enw'r sefydliad(au) yma.

5.15) Ai eich sefydliad chi fydd y prif sefydliad cyflawni ar gyfer y prosiect hwn?

Rhaid i bob prosiect mewn partneriaeth enwebu prif sefydliad. Rhaid i'r sefydliad hwn wneud cais i ni. Hefyd, y sefydliad hwn fydd yn gyfrifol am y canlynol:

- 🐱 Rheoli arian y grant ac adrodd yn ôl.
- 🐱 Cyflawni prosiectau.
- 🐱 Rheoli gweithwyr sy'n cael eu hariannu gan y prosiect.
- 🐱 Gwneud yn siŵr bod y prosiect yn cyflawni ei ganlyniadau a nodwyd.
- 🐱 Diogelu

5.16) Os na, nodwch pwy fydd a pham?

Os nad chi yw'r prif sefydliad, dywedwch pam. Rydyn ni am wybod pam mai chi yw'r sefydliad priodol i wneud cais am ein cyllid. Bydd angen i ni ddeall sut byddwch yn rheoli unrhyw risgiau mewn cysylltiad â diogelu, cyflawni a chyllid.

Dim ond mewn amgylchiadau eithriadol y byddwn yn dyfarnu grant i sefydliad lle nad y sefydliad hwnnw yw'r prif sefydliad cyflawni.

5.17). Oes gennych chi gytundeb partneriaeth ar ffurf memorandwm cyd-ddealltwriaeth?

Mae'n bwysig bod gan bartneriaeth strwythur a chytundeb clir. Fel arfer, byddem yn disgwyl i hyn fod ar ffurf memorandwm cyd-ddealltwriaeth rhwng y sefydliadau yn y bartneriaeth. Dylai'r cytundeb nodi'n glir sut bydd y bartneriaeth yn cael ei rhedeg o ran strwythur, atebolrwydd a mesurau diogelu.

5.18) Amlinellwch eich cytundeb partneriaeth, gan gynnwys trefniadau rheoli, monitro effaith a diogelu.

Nodwch fanylion y cytundeb rhyngoch chi a'ch sefydliad(au) partner. Byddem yn disgwyl i chi nodi pwy yn y bartneriaeth yw'r arweinydd diogelu a sut mae'r bartneriaeth yn gweithredu o ran dilyn polisi diogelu. Hefyd, nodwch unrhyw drefniadau o ran rheoli'r prosiect a monitro ei lwyddiant.

6. Y gwahaniaeth fyddwch yn ei wneud

6.1) Disgrifiwch y tri gwahaniaeth pwysicaf fydd y sefydliad yn gallu eu gwneud i fywydau'r plant a phobl ifanc rydych chi'n gweithio gyda nhw o ganlyniad i'r cyllid hwn.

Mae'r gwahaniaethau fyddwch yn eu gwneud yn cael eu galw'n ganlyniadau hefyd. Yma, rydyn ni'n dymuno gwybod sut byddwch yn gwneud gwahaniaeth cadarnhaol i fywydau plant a phobl ifanc. Rydyn ni am weld gwahaniaethau sydd:

-  **Yn glir** – Peidiwch â'u gwneud yn orgymhleth.
-  **Yn fesuradwy** – Meddyliwch am sut byddwch yn mesur y gwahaniaethau. A fydd modd dweud a ydych chi wedi llwyddo ai peidio?
-  **Yn realistig** – Mae'n bwysig gwneud yn siŵr y byddwch yn gallu sicrhau'r gwahaniaethau. Mae hyd yn oed y newidiadau lleiaf ym mywydau plant a phobl ifanc yn gallu cael effaith enfawr yn aml. Gwnewch yn siŵr eich bod yn canolbwyntio ar y plant a phobl ifanc rydych chi'n gweithio gyda nhw, nid y darlun mawr. Mae hefyd yn bwysig ystyried a oes modd sicrhau eich gwahaniaethau yn ystod cyfnod y cyllid hwn.
-  **Yn canolbwyntio ar y plentyn** – Rydyn ni'n ariannu gwaith sy'n gwneud gwahaniaeth i fywydau plant a phobl ifanc. Os ydych chi'n gweithio gydag amgylchedd y person ifanc (h.y. ei rieni, y gymuned), gwnewch yn siŵr eich bod dim ond yn trafod sut bydd o fudd i'r plentyn neu berson ifanc.

Dyma rai awgrymiadau ar gyfer nodi eich gwahaniaethau:

- 🐾 Cadwch nhw'n syml. Ysgrifennwch un datganiad am sut byddwch yn newid bywydau pobl ifanc er gwell. Peidiwch â chysylltu fwy nag un gwahaniaeth gyda geiriau fel 'ac'.
- 🐾 Defnyddiwch iaith sy'n dangos newid. Mae gwahaniaeth cryf yn aml yn defnyddio geiriau fel 'gwell', 'lleihau', 'cynyddu' 'llai', 'cryfhau' ac ati.
- 🐾 Gnewch yn siŵr eu bod yn canolbwyntio ar y plentyn. Meddyliwch am beth fyddai pob gwahaniaeth yn ei olygu i berson ifanc.
- 🐾 Gnewch yn siŵr eu bod yn berthnasol. Mae bob amser yn syniad da sicrhau ei bod hi'n glir sut mae eich gwahaniaethau'n gysylltiedig â'r anfoneision a wynebwr gan y bobl ifanc rydych chi'n gweithio gyda nhw.

I gael mwy o fanylion am sut rydyn ni am i'n prosiectau wella bywydau plant a phobl ifanc yn y DU, cliciwch [yma](#).

6.2) Disgrifiwch sut bydd y gweithgareddau neu'r gwasanaethau byddwch yn eu darparu gyda'r cyllid hwn yn sicrhau'r tri gwahaniaeth rydych chi wedi'u hamlinellu uchod.

Byddwn yn rhoi blaenoriaeth i geisiadau lle mae modd gweld cysylltiad clir rhwng y gwaith a gwneud gwahaniaeth i fywydau plant a phobl ifanc.

Dylech chi esbonio'n glir y cysylltiad rhwng y gweithgareddau neu'r gwasanaethau byddwch yn eu darparu, a'r gwahaniaethau byddwch yn eu gwneud i blant a phobl ifanc.

Os ydych chi'n gwneud cais am gostau sefydliadol, meddyliwch am y cyswllt rhwng eich gwasanaethau allweddol i blant a phobl ifanc, a'r gwahaniaethau rydych chi wedi'u nodi uchod.

Rhowch wybod i ni sut bydd y prosiect neu'r gwasanaethau yn helpu i sicrhau'r gwahaniaethau hyn i blant a phobl ifanc. Dylech chi feddwl am sut bydd y gweithgareddau'n arwain at newidiadau cadarnhaol yn eu bywyd.

6.3) Rhowch wybod i ni sut byddwch yn casglu data i fesur y gwahaniaeth mae eich sefydliad yn ei wneud i blant a phobl ifanc.

Rhaid i'r gwahaniaeth rydych chi'n ei wneud i fywydau pobl ifanc fod yn fesuradwy. Rhowch wybod i ni pa wybodaeth byddwch yn ei defnyddio i bennu a yw eich gwaith yn llwyddiant ai peidio. Dylech chi wneud y canlynol:

- 🐾 Ystyried defnyddio gwybodaeth wahanol ar gyfer pob gwahaniaeth. Gwneud yn siŵr eich bod yn meddwl am y ffordd orau o fesur pob un yn unigol.
- 🐾 Ystyried defnyddio cymysgedd o ystadegau a hanesion. Mae rhifau ac ystadegau'n ddefnyddiol iawn ar gyfer mesur tueddiadau a phatrymau. Mae hanesion yn well ar gyfer casglu enghreifftiau go iawn, a fydd yn gwneud i'ch prosiect ddod yn fyw pan fyddwn yn darllen amdano. Byddwch wedi clywed y termau 'ansoddol' a 'meintiol' ar gyfer y mathau hyn o ddata.
- 🐾 Meddyliwch am y ffordd orau o gasglu gwybodaeth. Mae sawl ffordd o wneud hyn. Dyma rai enghreifftiau:
 - 🐾 Arsylwadau: Beth ydych chi'n ei glywed/gweld pan fyddwch yn gwylio'r bobl ifanc dros amser? Mae hyn yn ddefnyddiol ar gyfer niferoedd uchel o bobl ifanc. Ond mae'n rhaid i chi ofalu bod eich gweithwyr prosiect yn gyson.

- 🐼 Ffurflenni Adborth/Holiaduron: Mae'r rhain yn ddefnyddiol ar gyfer cael gwybodaeth benodol gan nifer fawr o bobl. Maen nhw'n gallu bod yn anodd eu dylunio ac yn anniddorol i blant weithiau.
- 🐼 Ymarferion Graddfa Mae'r rhain yn cynnwys creu eich graddfa eich hun. Yn aml, mae'r raddfa rhwng un a deg, neu cytuno ac anghytuno. Wedyn mae plant yn gallu 'gosod' eu hunain ar y raddfa. Does dim rhaid iddynt fod ar bapur. Maen nhw'n gallu bod yn hwyl ac yn greadigol. Yn aml, dydy pobl ifanc ddim yn sylweddoli eu bod yn rhoi adborth.
- 🐼 Sgyrsiau: Gallai'r rhain fod gyda phlant, rhieni, athrawon neu unrhyw un sy'n gysylltiedig â'r prosiect. Maen nhw'n cymryd mwy o amser, ond yn gallu rhoi dealltwriaeth gref i chi o'r unigolion. Mae hefyd yn bwysig gwneud yn siŵr bod yr adborth yn onest.
- 🐼 Adnoddau cydnabyddedig: Mae llawer o adnoddau cydnabyddedig gallech chi eu defnyddio. Mae manteision ac anfanteision i'r rhain. Maen nhw'n cynnwys pethau fel Coed Blobiau, Graddfa Lles Wawrick-Caeredin, Hunanasesiadau STAR, neu'r Prawf Tŷ/Coeden/Person.
- 🐼 Gwneud eich adnoddau eich hun: Yn aml iawn, y ffordd orau o gasglu gwybodaeth yw bod yn greadigol a meddwl am y bobl ifanc rydych chi'n gweithio gyda nhw. Meddylwch am beth fyddai fwyaf addas iddynt.
- 🐼 Meddylwch am hyn wrth gasglu'r wybodaeth hon. Bydd eich gwybodaeth yn fwy defnyddiol o lawer os byddwch yn ei chasglu wrth ddarparu eich prosiectau a'ch gwasanaethau, yn hytrach nag ar ddiwedd blwyddyn yn unig.

Am fwy o wybodaeth ac adnoddau, ewch i:

- 🐼 [Gwasanaethau Gwerthuso'r NCVO i Elusennau](#) (NCVO)
- 🐼 [Inspiring Impact](#)
- 🐼 [Evaluation Support Scotland](#) (ESS)

7. Cyllideb a Chyllid

7.1) Rhowch wybod i ni beth yw goblygiadau ariannol Covid-19 i'ch sefydliad, a sut mae eich sefydliad yn bwriadu rheoli ei sefyllfa ariannol dros y misoedd nesaf.

Rydyn ni'n deall ei bod hi'n gyfnod heriol a bod eich incwm, neu incwm disgwylidig, yn debygol o newid. Mae'n bosib bod newidiadau eraill yn eich sefydliad hefyd, yn fewnol ac yn allanol. Rydyn ni'n gofyn y cwestiwn hwn er mwyn cael gwell dealltwriaeth o'r heriau sy'n wynebu eich sefydliad, a sut rydych chi'n ymateb.

Rhowch wybod i ni am unrhyw broblemau ariannol sylweddol ac unrhyw gynlluniau ariannol rydych chi'n eu rhoi ar waith.

7.2) A yw eich sefydliad wedi cael cyllid argyfwng gan unrhyw gyllidwyr eraill neu gan y Llywodraeth? Os felly, nodwch yn gryno beth yw'r swm ac ar gyfer beth fydd hwn yn cael ei ddefnyddio.

Rhowch wybod i ni a yw eich sefydliad wedi cael unrhyw gyllid arall mewn ymateb i Covid-19, neu a oes gennych chi unrhyw gynigion eraill mewn proses gwneud cais.

Bydd y cwestiwn hwn yn rhoi gwell ddealltwriaeth i ni o sut mae'r cais hwn yn cyd-fynd ag unrhyw ymatebion eraill i argyfwng y gallech chi fod yn eu darparu, a sut byddai cyllid gan BBC Plant mewn Angen yn cael ei ddefnyddio i gefnogi eich sefydliad.

7.3) Nodwch lefel eich cronfeydd anghyfyngedig fel yr oeddent ym mis Mawrth 2020.

Rhowch wybod i ni:

-  swm eich cronfeydd anghyfyngedig
-  sawl mis o wariant maen nhw'n darparu ar eu cyfer.

Dewisol: Defnyddiwch y gwagle i ddarparu unrhyw wybodaeth ychwanegol am eich cronfeydd yr hoffech ei rhoi i ni. Peidiwch â chynnwys gwerthoedd mewn ceiniogau, defnyddio arwyddion £ nac atalnodau.

7.4) Am faint o gyllid ydych chi'n gofyn?

Nodwch y symiau rydych chi'n gofyn amdanynt ar gyfer yr holl benawdau cyllideb isod, a rhoi manylion am beth fydd hyn yn talu amdano yn y golofn disgrifiad. Os ydych chi'n gwneud cais am gostau sefydliadol fel rhan o'r grant neu'r grant cyfan, byddwch mor fanwl â phosib.

Nodwch y symiau rydych chi'n gofyn amdanynt ar gyfer yr holl benawdau cyllideb. Os nad yw'r eitem gwariant yn berthnasol i'ch cyllideb, gadewch yn wag. Hefyd, rhowch ddisgrifiad byr o bob eitem gwariant rydych chi'n gofyn amdani, fel a ganlyn:

-  **Staffio** – Mae hyn yn cynnwys unrhyw gostau sy'n gysylltiedig â chyflogau ar gyfer staff cyflogedig, sesiynol neu lawrydd. Gall hyn gynnwys Yswiriant Gwladol a chyfraniadau eraill fel costau sy'n gysylltiedig â phensiwn.
-  **Hyfforddiant** – Mae hyn yn cynnwys unrhyw gostau ar gyfer hyfforddi eich staff a'ch gwirfoddolwyr ar y sgiliau a/neu wybodaeth newydd i gyflawni'r gwaith hwn yn ddiogel ac yn effeithiol.
-  **Technoleg a Chysylltiadau** (e.e. cyfrifiaduron, ffonau, pecynnau rhyngwrwyd / ffôn) – Mae hyn yn cynnwys prynu technoleg (e.e. gliniaduron, dyfeisiau tabled, ffonau symudol ac ati) i bobl ifanc neu staff – technoleg a fydd yn caniatáu i bobl ifanc ymgysylltu â'ch prosiect. Mae hefyd yn cynnwys unrhyw gostau cysylltiedig fel contractau ffôn neu lwfansau data.
-  **Gweithgareddau i Blant a Phobl Ifanc** (e.e. gemau, teganau, pecynnau gweithgareddau, deunyddiau crefft) – Mae hyn yn cynnwys unrhyw gostau uniongyrchol ar gyfer gweithgareddau a'u cyfarpar cysylltiedig (e.e. cyfarpar chwaraeon, teganau, deunyddiau celf ac ati).
-  **Cyfarpar arall** – Mae hyn yn cynnwys unrhyw gostau cyfarpar eraill nad ydynt yn perthyn i'r categorïau blaenorol.
-  **Costau cyffredinol y sefydliad** – Costau gorbenion sefydliad, yn hytrach na chostau prosiect. Gallai hyn gynnwys staff (gan gynnwys staff swyddfa gefn), costau rhedeg,

costau cyfarpar neu gostau datblygu sefydliadol. Rydyn ni'n disgwyl i sefydliadau allu dangos sut mae'r costau hyn yn gysylltiedig â chanlyniadau i blant a phobl ifanc yn ystod cyfnod COVID-19. Bydd y costau hyn yn eich helpu i sefydlogi, i addasu ac i newid er mwyn bodloni anghenion plant a phobl ifanc a/neu helpu i ddarparu gwasanaethau allweddol i blant a phobl ifanc.

 **Arall** – Mae hyn yn cynnwys unrhyw gostau eraill yr ydych yn dymuno gofyn amdanynt ac nad ydynt yn perthyn i'r categorïau uchod.

7.5 Faint o'r cyllid ydych chi'n disgwyl ei wario rhwng 13 Medi 2020 ac 13 Mawrth 2021?

Mae BBC Plant mewn Angen eisiau dangos bod y cyllid a godwyd i'n Rhaglen Ymateb i Covid-19 yn cael ei ddosbarthu a'i wario i fynd i'r afael ag anghenion brys. Drwy roi gwybod i ni faint rydych chi'n bwriadu ei wario yn ystod y chwe mis cyntaf, byddwn yn gallu adrodd yn ôl i'n rhoddwyr i ddangos cynnydd.

7.6 Rydyn ni'n disgwyl galw uchel am y cyllid hwn ac o ganlyniad, mae'n bosib y byddwn yn gorfod ariannu ceisiadau'n rhannol. A fyddai modd cyflawni'r gwaith a ddisgrifir uchod gyda chyllideb is?

Ticiwch os gwelwch yn dda.

Rydyn ni'n credu ei bod hi'n bwysig ariannu sefydliadau i lwyddo. Rydyn ni'n deall bod newid cyllideb yn gallu newid beth a sut rydych chi'n darparu. Os nad ydych chi'n credu bod modd addasu hyn, ticiwch na.

7.7 Os oes modd, rhowch wybod i ni faint fydddech chi'n ei ystyried yn swm grant isaf posib.

Rhowch wybod i ni pa effaith fyddai hyn yn ei chael ar eich gwaith ac ar y gwahaniaethau i blant a phobl ifanc?

Os yw'n berthnasol, rhowch wybod i ni faint o gyllid fyddai ei angen arnoch chi fel isafswm i wneud yn siŵr bod modd cyflawni'r gwaith hwn. Cofiwch gynnwys manylion am y canlynol:

-  pa eitemau gwariant fydddech chi'n gallu eu tynnu o'ch cyllideb
-  sut gallai hyn leihau elfennau o'ch gwaith fel oriau, gweithgareddau, neu nifer y plant a phobl ifanc bydddech chi'n gallu eu cyrraedd
-  a fyddai hyn yn effeithio ar y gwahaniaethau fydddech chi'n gallu eu gwneud i fywydau plant a phobl ifanc.

Rhowch 'Amherthnasol' os nad yw'n berthnasol.

7.8 Os nad ydych chi'n ddeiliad grant BBC Plant mewn Angen ar hyn o bryd (Bach, Prif neu *Curiosity*), neu nad ydych chi eisoes wedi cofrestru â BBC Plant mewn Angen, bydd angen i chi atodi eich cyfrifon a thicio'r Datganiad Cyllid canlynol.

Os ydych chi'n ddeiliad grant BBC Plant mewn Angen (Bach, Prif neu *Curiosity*) ar hyn o bryd, neu eisoes wedi cofrestru â BBC Plant mewn Angen, does dim angen i chi atodi eich cyfrifon. Ewch yn syth i'r Datganiad Ymgeisydd.

Atodiadau:

Atodwch gyfrifon swyddogol diweddaraf eich sefydliad yma.

Rhaid i'r cyfrifon hyn:

-  fod yn ddim mwy na 18 mis oed.
-  dangos gweithgareddau a chronfeydd cyfyngedig ac anghyfyngedig.
-  cynnwys datganiad incwm a mantolen wedi'u llofnodi a'u dyddio gan y Cadeirydd neu'r Trysorydd.

*Nid oes angen cyfrifon **wedi'u llofnodi** arnom gan elusennau sydd wedi cofrestru â Chomisiwn Elusennau Cymru a Lloegr. Rydyn ni'n dal yn disgwyl i sefydliadau gymeradwyo eu cyfrifon yn ffurfiol, a rhaid i gopi wedi'i lofnodi fod ar gael yng nghyfeiriad cofrestredig yr elusen, a gallwn wneud cais amdano.

Os ydych chi'n sefydliad newydd, rhaid i chi lwytho rhagolwg/amcanestyniad ariannol i fyny. [Trowch at ein canllawiau](#) i weld pa wybodaeth rydyn ni'n disgwyl ei gweld wedi'i chynnwys yn y ddogfen hon.

7.9 Ydy trafodion ariannol a thaliadau'n cael eu hadolygu gan o leiaf ddau awdurdodwr digysylltiad?

Cadarnhewch fod unrhyw daliadau sy'n cael eu gwneud gan eich mudiad yn cael eu hawdurdodi gan o leiaf ddau awdurdodwr digysylltiad.

7.10 Ydy eich mudiad yn solfent?

Mae hyn yn golygu nad ydych chi'n dibynnu ar incwm yn y dyfodol i dalu am ymrwymadau cyfredol yn y tymor byr, hy mae eich asedau cyfredol yn ddigon ar gyfer eich atebolrwydd cyfredol.